



KENYATAAN MEDIA
ZAIRULSHAHFUDDIN ZAINAL ABIDIN
KETUA PEGAWAI EKSEKUTIF ISLAMIC RELIEF MALAYSIA
22 JUN 2019

IRM LANCAR PROJEK DANA WAKAF AIR SOMALIA 2.0

Bangi, 22 Jun 2019 – 10,000 penduduk dari Wilayah Nugaal, Puntland, Somalia bakal menerima manfaat impak daripada pembinaan dua unit telaga air di kawasan itu.

Perkara itu dijelaskan oleh Ketua Pegawai Eksekutif Islamic Relief Malaysia (IRM), Zairulshahfuddin Zainal Abidin yang ditemui selepas sesi pelancaran projek Dana Wakaf Air Somalia (DWAS) 2.0 di majlis MySinggah Raya anjuran IRM, hari ini.

“IRM melancarkan projek DWAS 2.0 dalam usaha untuk memberi penyelesaian jangka masa panjang kepada rakyat Somalia yang diancam kebuluran sejak tahun 2011.

“Kami menyaksikan keberkesanan pelaksanaan projek terdahulu di Mogadishu ketika sesi lawatan pada bulan Mac lalu dan sebagai kesinambungan, kami akan meneruskan projek sebegini di kawasan lain di Puntland,” jelas Zairulshahfuddin.

Dalam misi kemanusiaan ke Somalia awal Mac lalu, Zairulshahfuddin dan tim IRM telah melawat beberapa projek Islamic Relief (IR) di sana termasuk bantuan dua unit telaga air hasil sumbangan rakyat Malaysia yang siap dibina pada tahun 2018.

“Kami menyasarkan kutipan dana untuk DWAS 2.0 sebanyak RM3.3 juta untuk membina dua lagi unit telaga air lengkap dengan tangki penyimpanan air, set penjanaan elektrik, pam air, sistem perpaipan dan saluran air dan akan dilaksanakan oleh Islamic Relief Somalia (IR Somalia) yang telah bertapak di sana sejak tahun 2006,” tambah Zairulshahfuddin.

Majlis pelancaran DWAS 2.0 telah disempurnakan oleh Pengerusi Ahli Lembaga Pemegang Amanah IRM, Prof. Dr. Azni Idris disaksikan oleh Ketua Pegawai Eksekutif IRM, Zairulshahfuddin Zainal Abidin. Turut hadir, Duta Republik Persekutuan Somalia, TYT Abukar Abdi Osman.

Pada tahun 2017, IRM telah melaksanakan misi kemanusiaan yang pertama ke Somalia bagi meninjau dan menilai projek-projek di samping mengenalpasti potensi projek yang boleh dijalankan. Hasil penilaian tersebut, IRM telah melancarkan kempen Dana Wakaf Air Somalia (DWAS) bagi memberi sumbangan untuk projek *Water Wells in Balcad, Middle Shabelle Somalia (WEBS)*.

Hasil sumbangan rakyat Malaysia, IRM beroleh kutipan dana sebanyak RM1.9 juta melepasi sasaran awal RM1.5 juta. Dua unit telaga air; Maqar Areys dan Waberi Star berjaya disiapkan pada tahun 2018 dan memanfaatkan 60,000 penduduk di Balcad, Shabelle Tengah, Somalia.

Orang ramai yang ingin menyumbang untuk DWAS 2.0 boleh hubungi talian 03-89263434 atau layari laman sesawang rasmi www.islamic-relief.org.my.

MySinggah Raya

Dalam pada itu, MySinggah Raya dihadiri kira-kira 700 pengunjung dari kalangan penerima manfaat, pihak penaja, rakan kemanusiaan IRM, para penyumbang, Ikon Kemanusiaan IRM, rakan media, sukarelawan serta orang awam.

Majlis yang dianjurkan setiap tahun itu bertujuan untuk merai dan merapatkan ukhuwah di kalangan semua pihak yang terlibat secara langsung mahupun tidak langsung bersama IRM.

IRM turut meraikan 212 penerima manfaat yang terdiri daripada golongan anak yatim, warga emas, orang kurang upaya (OKU) dan lain-lain dari Refugee Intellectual Skill & Excellence (RISE), Persatuan Orang Pekak Islam Malaysia (PRISMA), Persatuan Orang Kurang Upaya Anggota Melayu Malaysia (POKUAM), Pertubuhan Kebangsaan Orang Kerdil Malaysia (PKOKM), Persatuan Orang Cacat Penglihatan Islam Malaysia (PERTIS), SK Bukit Tampoi, usahawan Bukit Tampoi, serta penerima manfaat Gift of Hope (GOH) dan bantuan Program Sejahtera.

Selain pelancaran DWAS 2.0, antara aktiviti lain yang diadakan adalah persembahan nyanyian oleh Afad & Friends, Kumpulan Saujana selaku Ikon Kemanusiaan IRM, perkongsiaan oleh sukarelawan dan Ikon Kemanusiaan IRM, persembahan puisi, aktiviti mewarna dan 'face painting' bersama kanak-kanak, jualan 'Mega Sale Raya' di Charity Shoppe, penyerahan cenderahati dan duit raya serta pelbagai lagi acara menarik.

IRM turut berbesar hati menerima pelbagai tajaan dan sumbangan dari Omar & Hana, Warisan Bagan Interprise, Santai Penyet, Printar, Signature Café, Delicious Cream Puff, Laksa Redup Rimba, Sweet Roz Bakery & Café, Qayyum Foods, Ritzreka, Konsortium ICT Pantai Timur dan Chef Lyn.

Ikon Kemanusiaan IRM, Ashraf Muslim, Dr. Aizan Sofia, Irma Hasmie dan Saujana turut hadir memeriahkan suasana.

Mengenai Islamic Relief (IR)

Islamic Relief (IR) adalah sebuah organisasi bantuan dan pembangunan kemanusiaan antarabangsa yang bebas. IR beribu pejabat di United Kingdom dan ditubuhkan pada tahun 1984. IR telah berkhidmat di lebih dari 45 buah negara, membantu lebih daripada 120 juta orang. IR juga mempunyai rangkaian tetap di lebih 30 buah negara merangkumi 100 buah cawangan di seluruh dunia. Skop bantuan IR merangkumi bantuan kecemasan, pembangunan mampan bersepadu, pengurangan risiko bencana dan advokasi.

YABhg. Tun Dr. Mahathir Mohamad telah merasmikan penubuhan Islamic Relief Malaysia (IRM) pada tahun 2005, bertujuan untuk meneruskan bantuan kemanusiaan IR di rantau Asia-Pasifik. Kini, IRM berperanan sebagai pejabat penjana dana dan pelaksana projek (antarabangsa & tempatan)

Untuk mendapatkan maklumat lanjut mengenai program kemanusiaan IRM, sila layari laman web rasmi IRM iaitu atau hubungi IRM di talian tetap 03-8926 3434.

Bagi mereka yang ingin membuat sumbangan, salurkan sumbangan anda ke nombor-nombor akaun berikut atas nama Islamic Relief Malaysia :

MAYBANK ISLAMIC | 5621 4270 8704

CIMB ISLAMIC | 860 2073818

BANK ISLAM | 12 029 01 006564 3

AFFIN ISLAMIC | 10 671 000278 4

BANK RAKYAT | 11080 10000 35

MBSB Bank | 1005 0251 0000 0166

atau melalui :

CHARITY SHOPPE | TUNAI / KAD KREDIT

Zairulshahfuddin Zainal Abidin,
Ketua Pegawai Eksekutif
Islamic Relief Malaysia

- Tamat-

**Dikeluarkan oleh,
Islamic Relief Malaysia (IRM)-Reg No: 657354-W
A-05-1, Paragon Point, Jalan Medan PB5, Seksyen 9,
Pusat Bandar, 43650 Bandar Baru Bangi, Selangor**

Untuk maklumat lanjut, sila hubungi **Unit Media**
di talian 03-8926 3434, faks 03-8925 3434 atau
emel: Malaysia.Media@islamic-relief.org.my

[Aduan atau maklum balas: feedback.irmalaysia@islamic-relief.org.my/Whatsapp:
+60196379788](mailto:feedback.irmalaysia@islamic-relief.org.my/Whatsapp:+60196379788)